

交城縣志卷二

輿地門

圖式

古之學者左圖右書洞觀海內形勢故坐譚起行指
麾素定經世之學然也蕭何入關首收圖籍備知戶
口阨塞以定天下光武至廣阿得郡縣圖披示鄧禹
遂首營河北控御西南後世科目盛行空文剽襲廢
圖不觀一旦臨民出治山川眯目措置茫然吁可慨
矣 國初顧祖禹著方輿紀要魏水叔歎爲未有曩
者洪楊構亂一時名臣如胡文忠曾文正謂兵畧首

交城縣志

卷二

輿地

一

講地圖以僕所見二公所刊東南數省輿圖羊腸犬
牙險夷曲盡遂能據形勝殲豕狼圖史之功偉矣哉
交雖巖邑而層巒疊嶂近帶婁煩遠襟河曲跨東西
之峪蒼汾孔之流匪惟晉省屏藩抑亦 神京保障
凡著名山水具繪成牒儷以城池廟廡開卷列眉此
外林壑既奇營製又美有如舊傳十景固亦才流遊
詠所在附圖之以存一邑之名蹟志圖式第三

輿地圖說

按交城地方南北一百六十五里東西一百九十五里山
鄉十之八平川十之二寬於東北偏於西南東北至西

南橫斜及三百里形如曲尺以斜尖積算幅員幾四百八九十里平川十都只三十三村其中義望一村烟戶最多竟分東西兩都山鄉九都大小村莊轉及五百大稔之後元氣未廻但都甲分編山田不蕪爰循志例特備輿圖列於星野之次分開四至交界釐然眉目胥清攬觀較便圖中凡山名直書水名橫書縣城从 巡司从 壇廟从 營汛从 都从 汛地从 鎮店从 村莊从 畧舉大端以便臨政者審方辨俗得所措施焉

圖式總目

交城縣志

卷一

輿地

二

城池營鎮山川四至圖

二十五坊都總圖

汾孔二河改道入境出境圖

城垣圖

縣治圖

學宮圖


武廟圖

附郭壇廟圖

列城垣圖內

交城十景圖

照趙志原本趙吉士題十景詩收入藝文卷下





交城縣志

卷一

圖繪

三







交城縣志


卷一

圖繪

四









交城縣志

卷一 圖

七






交城縣志

卷一

圖

八






卦山

交城縣志

卷一

圖

九



望樓

御宮

補植槐

禮殿




交城縣志


卷一 圖

十











汾陽晚照


交城縣志

卷一

圖



石壁秋容



交城縣志

卷一 圖

十五





定慧晨鐘





山川

禹貢分州必以山川定疆域後世建置郡縣其幅員廣狹嘗視所轄名山大川以爲界故山有正脉有分支水有發源有經流是又不可或畧焉環交皆山也延袤蜿蜒數百里而遙沃壤少而瘠土多俗儉民貧職是之故其山之北由他境奔騰而入滙爲巨川者汾孔二河爲最其西文峪諸河雖發源有自而巖深澗曲其流不鬯往往折入隣封以資灌溉而沿山村落所分潤者不過波及之餘此交邑山川之大較也然古者山谿之險所以固國今薄海同春雖有此疆

爾界之分實際道一風同之軌民生其間日受承平之福而不知何其盛歟志山川第四

馬鞍山一名狐突山土名放馬坪在縣北六十五里爲交城適中之地一邑主山也左右兩峯屹立中凹如馬鞍故名西峯頂晉大夫狐突並二子毛偃墓在焉中有廟邑人於七月中結社以祀廟外有泉甘冽深不可測禱雨輒應

卦山一名萬卦山在縣北五里群峯翼峙斷續開合如爻象然中有天寧古刹山頂石塔曰太極峯俗名三十三天唐代宗建內祀真武石佛堂在天寧寺後康熙初知

縣趙吉士所題之舍谿懷谷四字甘泉一脉風籟泠泠
士稱漿水泉在寺前

錦屏山在縣西北七里春夏間紅崖綠樹燦若錦屏爲交
城縣十景之一

石壁山一名龍山在縣西北二十里疊巘迴環南有石崖
岩嶢千仞峭削如壁故名上有永寧禪寺唐宋元明名
人題詠石刻頗多列古蹟藝文等門

王山古名虎頭山在縣東北十二里柰林村後金皇統四
年改名王山岡前有古磚塔遠近視不一色十景中之
王山寶塔是也

交城縣志

卷一

輿地

二十

神師山在縣東北一百九十里河北都獅子河南相傳古
有張范二仙煉形成道於此分隱東西二洞張居東洞
范居西洞相距三十里洞中曲折窅窈龍泉出焉交界
之陽曲嵐靜等處求雨普應鄉人社會惟虔

孝文山在縣北一百九十里土地山後北魏孝文帝拓跋
氏避暑於此

劉王嶂在縣西一百九十里自嶂頂西下五里卽永寧州
界昔劉淵都離石往來於此因名上有水泉清澈無底
山氓求雨甚靈

呂梁山一統志名集骨山舊志爲積穀山在縣西一百五

十里接永甯州戴家莊分治焉禹貢所謂治梁及岐是也又呂氏春秋龍門未闢呂梁未鑿河出孟門之上卽此

豁然山在縣西北一百五十里山勢聳立昔有隱者嘗登此山東顧并州西視黃河顧盼豁然故名

龍鬚山在縣西北一百二十里屯蘭川山巔古寨名龍鬚寨崖內有黑龍王堂爲遠近禱雨處

羊腸山在縣東北一百二十里郡國志名萬根谷石磴縈紆若羊腸然後魏於此立羊腸寨通志謂羊腸倉

少陽山在縣西北七十里山海經少陽之山酸水出焉今

交城縣志

卷一

輿地

二十一

水尚酸流合文谷水

彩屏山在縣西北一百五十里中川村懸崖削玉五色繽紛康熙初知縣趙吉士勸農泣此於澗中得斷碣采屏二字

福泉山在縣西北一百七十里遇旱祈禱卽雨故名

煉銀山在縣西北一百七十五里羊蹄塔村後相傳舊有銀壙

子夏山在縣西四十一里楊灣村西南爲卜山左脉高接雲霄勢如壁立半崖有洞深不可測俗名桃花洞洞之對面曰樓兒寨離溝底數十丈在懸崖中無路可通寨

口似有人居如盆盎者列焉但可望而不可即

萬佛崖在縣西三十三里崖底村之東崖臨西河壁立若屏嶂高數十丈崖上天生石佛法象莊嚴大小無數故名趙吉士欲開龍門渠取道萬佛崖即此也

黑石樓山在縣東北一百五十里靜樂界上有黑石如樓故名

黃崖山在縣北一百五十里靜樂界下山數里即天城川大阿蘇山在縣西北一百五十里接靜樂界迤南數里有小阿蘇山俗傳張果曾騎驢過此以箠擊石有穴在焉高離山在縣西廿五里即開龍門處孤峯獨聳四無附麗

交城縣志

卷二

輿地

二十一

故名

七佛巖在縣東北二十里巖下有石像坐佛六睡佛一故名佛座後有洞窗渺莫測從無人者

三座崖在縣西北一百三十里中東都居東西兩葫蘆峪之中

懸崗嶺在縣北四十里山路險仄夏雨衝刷間歲即修爲河北屯蘭原瓶三都往來必經之路

三縣嶺在縣東北四十里高嶺橫亘北顧汾河下嶺即大川河爲故交火山一帶必由之路東近陽曲南望清源西入交城故名

蓮花山在縣北一百八十里河北都山北十里卽靜樂界
下馬城在焉

岐狐舉山在縣西北一百八十五里東葫蘆峪後里地村
山北卽靜樂縣界

低巖山在縣西一百八十五里神尾溝後西下十五里接
臨縣

盤龍山在縣西四十里東社村之北山頂突起一峯尖銳
似筆名筆鋒宛相傳雍正十三年八月大雨一夜此峯
陡起如脫穎高十餘丈周百尺嗣後東社一帶連得科
名故人樂道之

交城縣志

卷二

輿地

二十二

三縣石在縣東北河北都交城陽曲靜樂三界石高十餘
丈廣如之踞石上三縣之犬吠鷄鳴皆接焉鐫之曰三
縣石

汾河源出寧武管涔山經靜樂縣龍尾頭村十里入交城
縣北境之爐峪口又東行至故交村東北五里之火山
村出境又五里入陽曲縣河口村界

獅子河源出縣北一百九十里西岔村復南流至爐峪口
獅子坪經嘉樂泉入汾橫亘五十里河中一石形如獅
故名

孔河源出縣西北一百三十里青崖寨東流七八里經屯

蘭川木瓜會注于汾合流出境

渾谷水源出縣西北一百九十里孝文山後經武元城崖
底東注文水縣之開柵峪口

西谷水源出縣西北一百八十餘里劉王嶂東南經柏峪
溝合中西川水入文水境

塔莎水源出縣東北四十五里塔莎谷南流至嶺底岔入
磁窯河

步渾水源出縣西北四十五里馬鞍山之前步渾谷東南
流經范家莊等村入瓦窯河

磁窯河卽塔莎水下流由縣東北五里繞卦山東峯經城

交城縣志

卷一

輿地

二十四

東賈家寨南入文水界

瓦窯河卽步渾水下流由縣北五里瓦窯村繞卦山西嶺
經城西成頭村南入文水界

觀音泉在縣西北八十里西冶村泉出獅口冬溫夏涼四
時清澈爲縣之名泉崖上有觀音堂故名

龍潭泉在縣西二十里石壁小西巖下昔有龍潭禪師求
雨於此故擅名焉

白鹿泉在縣東北十二里王山麓

西河源一名孝文水在縣西北一百八十里長立村入山
十餘里源出孝文山下中西川灌溉皆賴焉經岔口與

東西葫蘆峪水合流出西冶川至文水峪口入汾

龍池泉在縣西北一百八十里源出東葫蘆峪后里地村

西經岔口會西河源水至文水入汾

青水泉在縣西北六十五里青巖村四時清澈深冬不冰

魯岩大足底河底等村資灌溉焉

青龍洞在縣西北百里許雙村東北入山十二里青崖溝

洞口高五尺餘深不可測入洞數步石鈺鼓各一扣之

作鈺鼓聲洞中石鐘乳下滴成泉流出洞外味甘冽遠

近取水禱雨甚應

河渠堤堰

晉之野隸冀州山多水少交城尤甚遇雨缺之年歲收歉薄或淫潦過多則又橫衝肆溢淹隴畝浸村廬莫霑其利而反受害蓋自井田久廢溝洫不修無怪水患在北視南戒爲尤烈也交邑河渠谿澗多至數十其流之巨者汾爲最文峪次之孔水又次之汾河環東北以趨城南而孔水滙羣谿入之文峪環西南以繞城東滙羣谿之水仍入於汾二者縣之經流餘皆其支緯者矣元初覃澄父子首開石堠渠民資其利今已久淤有滄桑之慨 國初趙吉士偕邑紳武

侍御攀龍開鑿龍門渠旋作旋輟閱今百八十年卒無人續興斯役其弊有二文峪水至武元城必鑿山根四層始達於廣興村之上游工作旣艱經費甚鉅旣慮其功之未易成卽渠功可成而由廣興之城北之卦山王山平郊曠邈高下無從取準或有謂卦山一帶以次高於廣興逆流莫能灌輸者僕數次攬觀形勢前說固誠有之若後說則有不然者夫崑崙巨葱嶺之麓中國脉自艮震巽來故萬水悉由西北而趨東南水之來處必高去處必低地勢使然也交城北繡壤雲連不難準以量綫之法且廣興在西而卦

山王山值其東高下當何如耶非常之原黎民懼焉
爲是說者亦易圖成而難慮始之常若身居令長而
以俗論爲狐疑視民瘼如陌路能勿內愧於心乎然
則因地制宜除小患以興大利民之望也實令之責
也一百八十年來前令王希濂踵趙之跡曾擬築之
其爲民興利之心殆與僕同顧僕才劣而又限於京
兆五日無能爲役謹就管蠡所及略陳利病附於此
引以告後之令斯土者志河渠堤堰第五

瓦窰河舊石堤在縣西北五里明時塔莎步渾二水交漲
河決壞城至 國朝康熙二年磁瓦二水交衝北門七

交城縣志

卷一

輿地

二十七

年知縣趙吉士壘石築堤障水南流三十五年水漲堤
壞城圯知縣俞卿修築水復南流久之堤壞無存四十
六年夏雨水漲直衝城內東南關湮沒田廬無數知縣
洪璟督典史曹文權相度地形重築新石堤計長八十
餘丈高二丈中填灰石使極堅緻建河神廟於堤上以
鎮之

甘泉渠水由文水縣峪口鶉鴿巖每月二十二日分灌交
城洪安安定等都民田順流至城南迤東一帶

石堠渠水由文水縣開柵東南每月二十三日分灌交城
成村汾西汾東青村等處民田順流達辛村辛南一帶

按二渠俱分派於渾谷水甘泉爲上渠石堠爲下渠通志所謂元縣令覃澄決水利民卽此二渠歷年旣久山水泛漲將石堠渠冲塞兼以豪民隱占日漸泯滅不復由舊然往迹猶有可考者

新渠在縣北磁瓦二河之衝明萬厯間知縣周璧令沿河有地之民均力挑浚引水灌田至今賴之

廣惠渠自清源之青堆村起浚治汾河攔河築堰挑渠引水導之西流十五里至交城鄭段等村又西南經賀家等寨大小辛村而入文水始築於明萬厯年邑人張學優等迨國朝康熙初及咸豐同治間代有興廢光緒

交城縣志

卷一

輿地

二十八

六年縣令李正芳捐廉取石因民之利重加修築始得暢流無滯近渠一帶土田胥賴焉

永長渠在縣西五十里米家莊下流至齊家莊一帶十餘里之間久資其利

南龍門渠在縣西三十六里曲裏村上通西社龍門因此得名下流至楊灣塔上南堡等村咸豐年武生呂豐經營數載渠道通暢沿水各村均受其益立碑於河神廟大河渠在縣西四十里東社鎮至沙溝村合西社之西河渠同流灌地

西治河古渠水出東社迤西大巖頭村之北光緒四年與

大巖頭村二八分水十日之內東社得八日工亦如之所定渠規立碑於關帝廟

西冶河石堰亦在東社鎮西北長六十丈闊三丈餘由來已久迨乾隆五十八年西冶河水泛濫鎮民田廬沖塌無數始加修築以爲經久之計迄今尙歲修焉

河東渠在縣西北三十五里武元關水泉灘一帶皆賴此渠灌溉現由監生霍玉堂經理渠事

順道渠在縣西十里安定村南每夏月瓦壑石壁等山水泛漲需此渠洩水以紓民患直抵大營村北與甘泉洩水之斜河渠合流入石堠達汾安定大營等村俱有石

交城縣志

卷一

輿地

二十九

橋

斜河渠在縣西南十五里大營村北洪相村南亦甘泉渠洩水之要道二村大路俱建石橋流經灘水渠入石堠達汾

天順古渠在縣東十里賈家寨村北由清源之王明寨東流經交城陽渠郭家寨等村西南至東汾陽村入文水石堠達汾

火山渠在縣東北一百里故交鎮北火山村長八里餘闊一丈取汾水之利由來久矣沿堤山莊歲時修築惟謹永固渠在縣東北故交鎮渠身長五里闊丈餘以橋鎖之

卽交河橋也距故交咫尺近鎮鄉民胥保護焉

太平渠在縣北一百二十五里梭峪村渠長三里闊一丈
另有護堰一條名曰廣利又建橋於上爲泰來橋乾隆
壬辰近村民閻書淵等三人募修靜樂庠生張繼同爲
之記

大成渠在縣北九十一里西曲村渠之頭尾約五里餘闊
丈許因汾水之利而取資焉現由村人張吉順張博厚
等五人經理渠事

豐樂渠在縣北三里坡底村渠長四里許濶三尺引磁窰
河入渠灌漑民田十數頃

古蹟

人古則尊地古則名物古則馨自然之理也不獨南
嶽岫嶺之碑東岱封禪之石及西晉前武庫所藏孔
子寫漢高斬蛇劍見者狂喜卽汲冢不合尙書銅雀
作自奸相而覩其物者怵舞稱奇金谷爲豪士讌遊
蘭亭乃名流激賞而履其地者留連寄興此無他見
所難見不屬之今而屬之古也交城幅員遼闊自狐
張後代有偉人其餘流寓知名者題詠所在時時見
於豐崖絕澗古寺荒碑前志所載與新得之蔓草寒
煙者雖傳信傳疑不無傳會然游九京者慕思隨會

過大梁者慨想夷門蹟以人重與其過而廢之毋若
過而存之若夫援古證今注真刊譌且俟後之博雅
君子如僕則溝澮之流望洋而退矣特弁數語以誌
吾愧志古蹟第六

古交廢縣城在縣東北九十里故交村南水泉寨下故老
相傳現在水泉寨關帝廟卽縣之南關

盧川廢縣城在縣北一百三十里河北都爐峪口遺址無
存今惟一破樓聳立亦無梯級可登相傳卽城中之鼓
樓

大通鐵冶在縣西北八十里西冶村前代設都提舉司監

鐵冶今無鐵久廢

萬根谷在縣東北一百二十里羊腸山下有石墟相傳爲魏孝文帝避暑處見一統志

西社龍門在縣西五十里西南都山水極勝舊有巨石當山水不得下忽爲迅雷闢開如龍門然後人遂建龍王廟於上爲十景之一

青龍洞在縣西北七十里水北都榆郡村洞深數里從石窟穿入禱雨最靈與雙村之青龍洞異

白牛洞在縣西石壁山東溝高崖之中洞口北向約高丈餘闊五尺深不可測

交城縣志

卷二

輿地

三十一

龍堂巖在縣西北七十里水北都又名卧雲菴巖高三丈深五尺四羅石瓣隱起如雲中有一石俯首下垂宛若游龍故名巖內南北各有洞深不可測有水流漚瀝爲小池水滴巖下成寒起石遇雷發先一日洞中輒作聲歷試不爽明嘉靖間行僧號懶雲者移建龍王堂於巖外又砌石臺拓基三丈許上建禪室穿廊曲檻間以蒼松翠栢足擅一鄉之勝

西仙洞在縣東北一百里河北都神師山西北入溝五里有龍王廟廟右一洞東向洞口塑像俗呼七郎神口僅二三尺容一人伏而入三十餘步稍寬可直身行又一

里比前又高闊頂石多下垂尖如筍又一二里石壁阻
路下通一穴圍可五尺其深不可測惟聞水聲淙淙有
土人因求雨曾至穴底西向復通一洞直行一里許有
水自西北至東南上有枯木橫亘不敢渡每大旱附近
州縣鄉氓齋沐入洞取水無不立應

東仙洞亦在神師山下二洞相去四十里口塑六郎神像
鄉人分東西結社賽會惟謹然東洞無人敢入

武威公舊莊舊唐書交城縣屬太原府隋分晉陽縣置取
縣西北古交城爲名武威公王茂元也唐李商隱有詩

見藝文

舊志

交城縣志

卷一

輿地

三十二

肇庸按舊志存李商隱過故府中武威公交城舊莊
感事一首據 國朝馮浩字孟亭玉谿詩詳註辨正
云自朱長孺以武威公爲王茂元諸家皆仍其誤王
棲曜父子濮陽人其宦蹟並未一至河東何得交城
有莊且有碑紀功哉義山爲王茂元壻不應僅稱故
府茂元謚曰威不應妄加武字細加參考李載義封
武威郡王太和七年鎮太原其吏下請立碑紀功李
程撰辭似是而與故府不相符又考李光進光顏兄
弟家太原以戰功光進積封武威郡王其祖孫兄弟
五墓在榆次則有莊在交城亦似之然於故府二字

仍有不合詩題既曰感事必有事實在烏可妄斷記
此以見古蹟之難徵信云既存其蹟又錄其詩因舊
志未能詳盡特以蠡測所及以待後之博雅者

糾誤

唐李白題壯觀二字鐫石壁山千佛閣後石磴上

唐開元間太原參軍房嶙妻渤海高氏書鐵彌勒頌濮州
郵城尉林諤撰文字畫勁媚俗名高氏碑在石壁山永
甯寺

唐元和宰相李逢吉撰甘露碑文亦在永甯寺

龍潭泉在永甯寺西巖下昔有龍潭禪師演法於此

栢交亭在卦山東崖古栢並峙兩根相連縣令趙吉土建

交城縣志

卷一

輿地

三十四

亭題跋於上

元中書冀國公郝天挺篆書善法二字永甯寺

國朝鴻詞科朱彝尊潘耒題卦山詩楷書石刻字法二王
在天甯寺正殿後碑尙完整

傅青主書朝攜健兒破堅陣夜接詞人賦華屋楹聯十四
字刻石在盧川書院

環翠亭在卦山南石橋上俗名半道亭上有邑人申鉉題
將入叢林四字書做米襄陽極有神韻申鉉 國初以
書法名見通志

四望樓在縣北門外狐侯廟後知縣趙吉土建

交翠亭在縣東七里大道兩堤綠柳一抹清陰爲行人休憩之所康熙年知縣洪璟建

武家四層樓俗名悶樓在城西隅坊龍虎巷西爲武侍御攀龍北山武家莊遷城之舊宅樓出於城數仞屹立闐闐鐵門石限堅固異常萬家烟火一望瞭然遙對西北諸山如在几席相傳明季避山寇而設侍御子孫族居其下宗祠在焉四川殉難知縣忠烈武來雨卽生於斯故家遺族英氣猶新特存之以彰一邑之文章節義